

## Paerewa Paetae

<b>Aronga</b>	Ngā Toi 1.1			
<b>Ingoa</b>	Te tūhura i ngā pūkenga toi taketake o Ngā Mahi a te Rēhia			
<b>Kaupae</b>	1	<b>Whiwhinga</b>	4	<b>Aromatawai</b> Ā-roto
<b>Marau akoranga</b>	Te Marautanga o Aotearoa			
<b>Kokonga akoranga</b>	Ngā Toi			
<b>Mana rēhita</b>			<b>Te rā i mana ai</b>	
<b>Te rā e arotakengia ai</b>			<b>Te rā i puta ai</b>	

### Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

Toi Ataata:

*Ka tūhura hōhonu, ka rapu mātāpuna whakahihiri, ka tautohu, ka whai māramatanga: [mahi] hei whakamahi tōtika i ngā taputapu hei whakawhitiwhiti whakaaro.*

Ngā Mahi a te Rēhia:

*Ka tūhura, ka whakamahi, ka whakawhanake mōhio, ka whakamārama: [tūhura, mahi, mōhiotanga, maioha] i tā te tinana me te reo whakatau i roto i ngā horopaki huhua.*

E hono ana ki te Papa Whakaako Ngā Toi kei te pae ipurangi nei: [website details to be inserted].

### Te Hononga ki *The New Zealand Curriculum (NZC)*

I ahu mai hoki tēnei paerewa paetae i *The New Zealand Curriculum*. Mō ngā kōrero e pā ana ki ngā whāinga paetae o te NZC e hāngai ana ki tēnei paerewa, tirohia te putanga reo Pākehā o te paerewa.

### Te Hononga ki ngā Tikanga Aromatawai

Kei tēnei pae ipurangi ngā Tikanga Aromatawai mō tēnei paerewa paetae: [website details to be inserted].

## Paerewa Paetae

<p><b>Paetae</b> Te tūhura i ngā pūkenga toi taketake</p>	<p>Hei tohu i te paetae:</p> <ul style="list-style-type: none"> <li>• Ka tūhuratia e te ākonga ngā pūkenga toi taketake kei Ngā Mahi a te Rēhia.</li> <li>• Ka whakaatu ia i ngā mahi tūhura, raweke, me te whakapā atu ki ngā tikanga o ngā pūkenga toi taketake.</li> <li>• Ka āhei te ākonga ki te whakaatu i ōna pūkenga toi kei roto i ngā horopaki huhua noa.</li> </ul>
<p><b>Kaiaka</b> He kaiaka te tūhura i ngā pūkenga toi taketake</p>	<p>Hei tohu i te kaiaka:</p> <ul style="list-style-type: none"> <li>• Ka whakawhānui te ākonga i ōna whakaaro ki te tikanga o ngā pūkenga toi taketake kei Ngā Mahi a te Rēhia.</li> <li>• Ka whakamāori te ākonga i ngā tikanga o ngā momo pūkenga toi kia puta ai he hua.</li> </ul>
<p><b>Kairangi</b> He kairangi te tūhura i ngā pūkenga toi taketake</p>	<p>Hei tohu i te kairangi:</p> <ul style="list-style-type: none"> <li>• Ka whai māramatanga te ākonga ki ngā pūkenga toi taketake kia mārama ai te hāngai o ngā pūkenga toi kei āna mahi.</li> <li>• Ka puta i a ia ngā taha rerehua kia rere pai ai ngā pūkenga toi taketake.</li> <li>• Ka tau te āhua o tana tuku i ngā pūkenga kia hāngai ai ki te horopaki.</li> </ul>

## Kōrero Āpiti

1 E whai ake nei ko te whakamāramatanga o ngā kupu whai take, kīanga rānei:

<p>ngā pūkenga toi taketake</p>	<p>Kei raro i te maru o Ngā Mahi a te Rēhia ka whai wāhi ēnei pūkenga i roto, arā, ko te whakamahi i ngā momo reo o te tangata, te tau o ngā reo ā-tinana, te mahi tahi, te mahi ngātahi, te mahi takitahi rānei i te wā e tika ana.</p> <p>He mea anō kia mārama, ko te āhua o te hunga mātakitaki me te whakaatu i ngā pūkenga toi tangata kia mārama ki te hunga mātakitaki, koirā te aronga o ngā mahi toi rā roto i ngā mahi ka puta.</p> <p>Ko ngā pūkenga nunui ko te whakaaro whānui, ko te whakaaro ki tua, ka taea hoki ngā kōrero huhua te wherawhera kia puta ai he whakaaturanga nō Ngā Mahi a te Rēhia.</p>
<p>te tikanga o ngā pūkenga toi</p>	<p>Te pūtake i pērā ai ngā pūkenga toi.</p>
<p>ngā taha rerehua</p>	<p>Te wairua, te mana, te ihi, te wana, te wehi, te mauri.</p>

2 Me hāngai te aromatawai ki ngā Whāinga Paetae o kua huaina i runga ake nei.

- 3 Kia taunga te ākonga ki ngā tikanga e whai wāhi mai ana:
- Ko te tūhura i ētahi pūkenga nō Ngā Mahi a te Rēhia.
  - E āhei ana te kohikohi tauira huhua noa e whakaatu ana i āna mahi tuhura, āna mahi whakamātautau i ngā pūkenga.
  - Ka whakaatu te ākonga i ōna pūkenga ki Ngā Mahi a te Rēhia e hāngai ana ki tētahi horopaki, kia kitea ai te taunga me te tika o āna mahi toi ki roto i te horopaki.
  - Ka kitea tōna māramatanga i te whakaaturanga me ngā momo rerehua ā-tinana, ā-reo, ā-wairua.
- 4 Ka taea tēnei paerewa ki roto i ngā horopaki huhua noa.
- 5 Ngā Pūkenga
- Ko te whakawhanake i ngā pūkenga tū o te kaiwhakatau i roto i ngā horopaki huhua.
  - Ko te whakawhanake i ngā pūkenga whakakōrero i te tinana.
  - Ko te whakaatu ariā mā te whakamahi auaha i ngā tūmomo mahi a te rēhia.
  - Ko te arotake i ngā pūkenga whakamahia ai e te kaiwhakatau.
  - Kia kitea te tuawhiti o tā te tinana me te reo whakatau i roto i tētahi whakaaturanga.

Kuputaka:

Horopaki	context
pūkenga toi	arts skills
taketake	indigenous
toi taketake	indigenous art forms
tuawhiti	high quality
tūhura	explore
whakamāori	interpret
whakamārama	explain
whakawhānui	elaborate

---

**He Kōrero mō te Whakakapi**

Koinei hei whakakapi i te paerewa Ngā Toi 1.12.

---

**Tātari Kounga**

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233